



UKA 2015/149

Justus Hansen

20. oktober 2015

Uunga siunnersuut: Inuussutissarsiummik ingerlataqarneq pillugu Inatsisartut inatsisaat nr. xx, xx.xx 2015-imeersoq.

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)
(Siullermeernera)

Demokraatin iluarisimaarpalut inussutissarsiummik ingerlataqarneq pillugu inatsit manna siunnersuut aqqutigalugu nutarterneqarmat, pisariillisarneqarmat ullultsinnullu piviusunut naleqqussarneqarluni.

Iluarilluinnaqqissaarpalut aalajangersimasumik niuertarfekarnissamut piumasaqaatip peerteratigut ammaanneqarmat periutsit eqannerusut atorlugit nioqquteqarsinnaanissaq assersuutigalugu quersuartut atorneqarallartuniit, pisiniarfeeqqaniit, qamutiniit assigisaanniillu. Demokraatin nalilerparput, iliuuseq unammilleqatigiinnerulerermik kinguneqarumaartoq, naggataatigut atuisunut ataasiakkaanut iluaqutaasumik.

Tamatuma saniatigut aamma nalilerparput iliuut pissutigalugu aallarnisaarusussuseq innuttaasut akornanni pilerumaartoq kinguneqarnillu suliffeeqqat pinngorarlutik, tamannalu ataasiakkaanut inquiaqatigiinnullu iluaqutaassaaq.

Naggataatigut Inuussutissarsiornermut Ataatsimiititaliaq kaammattorusupparput nunani allani immikkoortumi misilittakkanik katersissasoq misissugassanik paasiniarlugu matumani aallartitsisoqarsimanersoq nunami isumassarsiorfigisinnaasatsinnik.

Siunnersuutip Inuussutissarsiornermut Ataatsimiititaliami suliareqqinnissaa inassutigaarpalut.